



OPENBAAR  
MINISTERIE  
ARUBA

# Relato di Prensa

Postbus 1163, Oranjestad, Aruba

Havenstraat 2  
Oranjestad  
Aruba  
T ++ (297) 521 4100  
F ++ (297) 521 4190

Na	Tur media
Di	Ministerio Publico
Datum	15 juni 2017
Pagina's	1

## **Aclareacion di confusion cu a lanta relaciona cu cosnan den beslag cu lo a bay back pa sospechoso Croes**

Den medionan di comunicacion, a start un confusion tocante e hecho cu supuestamente lo a debilbe cosnan cu lo a wordo tuma den beslag cerca sospechoso Paul Croes. Ministerio Publico ta haya hopi importante pa aclarea e confusion aki.

Durante e investigacion IBIS, huez-comisario a tuma cosnan den beslag na Bestuurskantoor, bao di cual cosnan for di oficina di sospechoso Croes. Recientemente algun di e cosnan cu a wordo tuma den beslag na Bestuurskantoor, a wordo debilbi na Bestuurskantoor. Bao di e cosnan aki tin algun USB-stick, computernan, laptopnan y un telefon blackberry. Si algun di cosnan aki a wordo duna na sospechoso Croes dor di Bestuurskantoor of den nomber di Bestuurskantoor, no ta conoci na Ministerio Publico, ni e ta responsabilidad di Ministerio Publico tampoco.

E cosnan cu huez-comisario a tuma den beslag den e investigacion IBIS den cas di sospechoso Croes, no a wordo duna back na Croes. E cosnan aki ta sigui den beslag.

Cosnan cu wordo tuma den beslag na beneficio di waarheidsvinding den un investigacion, ta wordo debilbi asina cu e investigacion riba e cosnan ey ta cla. Cu cosnan wordo debilbi na un sospechoso durante e investigacion penal no ta bisa nada tocante e sospecho of e resultadonan di e caso penal. E ta nifica unicamente cu e investigacion riba e cosnan specifico ey ta cla.